



CONCELLERÍA DE EDUCACIÓN, XUVENTUDE E SAÚDE CONCELLO DE SADA

BASES PARTICIPACION NA ESCOLA MUNICIPAL DE TEATRO. CURSO 2019

Artigo 1º.-Obxeto.

A Escola Municipal de Teatro, dependente da Concellaría Educación, Xuventude e Saúde do Concello de Sada, oferta unha proposta no eido das artes escénicas, desenvolvéndose fóra do horario lectivo en equipamentos municipais.

Os seus obxectivos céntranse, por unha parte, na creación dunha oferta socieducativa que permita a conciliación da vida familiar e laboral e fomento de novas capacidades e por outra, como obxectivo pedagóxico desenvolver as capacidades creativas, comunicativas e expresivas do alumnado a través do xogo, a improvisación teatral e o cambio de roles.

Artigo 2º.-Destinatarios/as.

A Escola de Teatro está dirixida a alumnado a partir de 8 anos. Só poderán ser admitidas aquelas persoas que non teñan pendentes de pago recibos municipais, previa comprobación de oficio co Dpto. de Tesourería.

Participantes derivados dos Servizos Sociais :

No caso de participantes derivados dos servizos sociais de atención primaria, resérvase un 10% das prazas no caso dos menores de idade, previo informe favorable dos/as técnicos/as. Ditas prazas serán cubertas por adxudicación directa dende o momento en que a Concellaría de Educación reciba o informe preceptivo. Esta adxudicación directa pode vir asociada a unha exención do pago das cuotas.

Artigo 3º.- Temporalización e lugar de realización.

A programación da Escola de Teatro 2019 comezará o **martes 12 de marzo** e finalizará o **xoves 21 de xuño de 2019**.

Haberá períodos vacacionais nas seguintes datas:

Semana Santa: Do 13 ao 22 de abril (ambos inclusive)
Días festivos locais, autonómicos ou nacionais

- Ubicación da Escola de Teatro: Auditorio Casa da Cultura "Pintor Lloréns"

Artigo 4º.- Preinscrición para participar na Escola de Teatro

A preinscrición será polo que resta do presente curso escolar (até xuño 2019). O alumnado inscrito en anos anteriores deberá realizar e presentar igualmente a documentación requirida. Non existe reserva de praza si participou na Escola en anos anteriores.



CONCELLERÍA DE EDUCACIÓN, XUVENTUDE E SAÚDE CONCELLO DE SADA

O alumnado deberá formalizar a inscrición das actividades a través das seguintes vías:

- **PRESENCIALMENTE** coa folia de inscrición que se facilita e debe ser entregada na Oficina da Xuventude.
- **FORMULARIO EN LIÑA** ou **CORREO ELECTRÓNICO**, descargando a solicitude na paxina web municipal www.sada.gal e enviándoa escaneada ao correo omixsada@gmail.com

Artigo 5º.- Prazos

O prazo ordinario de preinscrición será:

- Dende a súa publicación na web municipal www.sada.gal até o **24 de febreiro**.
- A publicación da **listaxe provisional de admitidos e de agarda**, será o **25 de febreiro**.

A **formalización definitiva** da preinscrición para as persoas que teñan praza será mediante a presentación do xustificante de pagamento no prazo do **26 de febreiro ao 4 de marzo** (ambos inclusive) na OMIX ou escaneado a ao correo omixsada@gmail.com. No caso de aplicar desconto no pagamento, deberase axuntar copia do documento que o acredite.

A **non** formalización da inscrición neste prazo suporá a renuncia da praza, pasando o dereito ao seguinte en listaxe de agarda.

Prazo extraordinario: en calquera momento durante o curso escolar sempre que se dispoña de prazas vacantes e pedagóxicamente sexa posible a inclusión de máis alumnado en cada grupo.

Artigo 6º.- Grupos, horarios e sorteo

Para que as actividades se podan realizar terá que haber un **mínimo de 7** solicitudes por grupo de idade ofertado no momento da preinscrición.

Ofértanse 2 grupos por idade:

Grupo infantil-xuvenil: de 8 a 15 anos (20 prazas). **Martes de 16.30 a 18.30h**

Grupo adultos: a partir de 16 anos (20 prazas). **Martes de 19.30 a 21.30h**

Na medida do posible, e naquelas actividades **onde a demanda sexa superior a oferta**, cabe a posibilidade da creación de novos grupos (por idades), polo que os horarios poderán sufrir modificacións. Se non é posible a cración de novos grupos, as prazas serán cubertas por **sorteo**. O sorteo público, de ser o caso, terá lugar o día **25 de febreiro** ás **09.30 horas** no local de actividades da OMIX.



CONCELLERÍA DE EDUCACIÓN, XUVENTUDE E SAÚDE CONCELLO DE SADA

Artigo 7º.-Prezos e períodos de pagamento:

Os prezos de aplicación para os/as participantes na Escola Municipal de Teatro, serán os que se establezan no informe de prezo público correspondente.

Polas circunstancias especiais deste curso 2019, os meses que restan para a finalización do mesmo en xuño, serán abonados a través dun pago único durante ese período de formalización da preinscrición. Unha vez realizado o pagamento deberá axuntar copia do mesmo na Oficina da Xuventude.

Menores de idade: 40€ (marzo a xuño)

Maiores de idade: 48€ (marzo a xuño)

Nota: No caso de alumnado que se incorpore ao longo do curso e que dispoña de praza, deberá realizar o ingreso da parte proporcional dos meses restantes

Alta de alumnado ao longo de marzo: 40€ os menores e 48€ os adultos

Alta de alumnado ao longo de abril: 30€ os menores e 36€ os adultos

Alta de alumnado ao longo de maio: 20€ os menores e 24€ os adultos...etc

Artigo 8º. Descontos

Os descontos aplicaranse só ao alumnado menor de idade na data en que haxa que realizar o pago da cuota.

50%: A alumnado integrante de Familias Numerosas (aportar copia do título de F.N.).

20% 2º Irmán/á. (imprescindible aportar Libro de Familia). O desconto aplicarase sobre a cota de cada un dos irmáns/ás.

Non se establece ningún tipo de desconto para o alumnado maior de 18 anos.

Artigo 9º.- Baixa na actividade

Para cursar baixa na actividade, o/a interesado/a deberá comunicalo entre o 1 e o 15 do mes anterior ao que se desexa causar baixa. De non tramitalo antes desa data, constará como participante de alta.

Non se considerará baixa na actividade si o/a alumno/a lle comunica de palabra ao docente que non vai seguir asistindo ao curso.

A baixa na actividade deberá presentarse no rexistro municipal (á atención dos Servizos Económicos Municipais) mediante modelo "Baixa da actividade".



CONCELLERÍA DE EDUCACIÓN, XUVENTUDE E SAÚDE CONCELLO DE SADA

Nota: As baixas tramitadas en tempo e forma permitirá ao alumnado poder solicitar a devolución da parte proporcional dos meses abonados mediante instancia no mesmo rexistro.